



**REPUBLIKA E SHQIPËRISË**  
**AUTORITETI I KOMUNIKIMEVE ELEKTRONIKE DHE POSTARE**  
**-Këshilli Drejtues-**

---

**V E N D I M**

**Nr.2255, datë 23.01.2013**

**Për**

**“Miratimin e Dokumentit rregullator “Për disa ndryshime dhe shtesa në Rregulloren Nr. 5, datë 23.12.2008 “Për dhënien e autorizimit “Për stacionet radiobregdetare””.**

Këshilli Drejtues (**KD**) i Autoritetit të Komunikimeve Elektronike dhe Postare (**AKEP**), i përbërë nga:

1. Z.	Piro	Xhixho	Kryetar
2. Z.	Alban	Karapici	Anëtar
3. Znj.	Alketa	Mukavelati	Anëtar
4. Z.	Benon	Paloka	Anëtar
5. Znj.	Zamira	Nurçe	Anëtar

dhe sekretare të Këshillit Drejtues Znj.Marsida Drushku në mbledhjen e datës 23.01.2013, sipas procedurës së përcaktuar në ligjin nr. 9918 datë 19.05.2008 “Për Komunikimet Elektronike në Republikën e Shqipërisë” i ndryshuar, ligjin nr. 8480, datë 27. 05.1999 “Për funksionimin e organeve kolegjiale të administratës shtetërore dhe enteve publike” shqyrtoi çështjen me objekt:

**Miratimin e Dokumentit rregullator “Për disa ndryshime dhe shtesa në Rregulloren Nr. 5, datë 23.12.2008 “Për dhënien e autorizimit “Për stacionet radiobregdetare””.**

**BAZA LIGJORE:**

1. Shkronja t) e nenit 8, pika 1 e nenit 114 dhe neni 115 të ligjit nr.9918, datë 19.05.2008 “Për komunikimet elektronike në Republikën e Shqipërisë” (**ligji nr.9918**) i ndryshuar;
2. Neni 120 dhe neni 129 i ligjit nr. 8485, datë 12.05.1999 “Kodi i Procedurave Administrative” (**KPrA**), i ndryshuar;
3. Vendim i Këshillit të Ministrave nr.370, datë 5.6.2003 Për miratimin e strategjisë “Për shërbimin e radiondërlidhjes detare në Republikën e Shqipërisë” (**VKM 370**).
4. Pika 2 e nenit 19 te Rregullores Nr. 5, datë 23.12.2008 “Për dhënien e autorizimit “Për stacionet radiobregdetare” (**Rregullore Nr. 5**), miratuar me vendim të Këshillit Drejtues të AKEP-it, Nr. 522, datë 23.12.2008;

## KËSHILLI DREJTUES:

Nga shqyrtimi i materialit shkresor të përbërë nga:

- Projekt Vendimi;
- Relacioni shoqërues i Projekt-Vendimit;
- Dokumentit rregullator “Për disa ndryshime dhe shtesa në Rregulloren Nr. 5, datë 23.12.2008 “Për dhënien e autorizimit “Për stacionet radiobregdetare””;

si dhe, diskutimeve në mbledhje mbi çështjen, si dhe duke i’u referuar bazës ligjore të sipërcituar,

### V Ë R E N:

1. AKEP, me qëllim përmbushjen sa më të plotë dhe eficiente të detyrimeve ligjore që duhet të zbatojnë subjektet e interesuara, për t’u pajisur me autorizim “Për stacionet radiatorbregdetare”, çmon si të rëndësishme ndryshimet dhe shtesat në aktin Rregullor Nr. 5, datë 23.12.2008 “Për dhënien e autorizimit “Për stacionet radiobregdetare”, me qëllim përcaktimin e rregullave procedurale për t’u pajisur me licencë nëpërmjet modulit të aplikimeve online;
2. Grupi i punës i caktuar me Urdhërin nr.900, datë 30.10.2012 ka hartuar ndryshimet dhe shtesat në projekt aktin administrativ Rregullor Nr. 5, datë 23.12.2008 “Për dhënien e autorizimit “Për stacionet radiobregdetare”, me qëllim përcaktimin e rregullave procedurale për kryerjen nëpërmjet modulit të aplikimeve online nga subjektet e interesuara për tu pajisur nga AKEP me autorizim;
3. Ndryshimet dhe shtesat për përcaktimin e rregullave procedurale në Rregulloren Nr.5, datë 23.12.2008 “Për dhënien e autorizimit “Për stacionet radiobregdetare”, janë mbështetur në kuadrin ligjor dhe rregullator në fuqi si dhe rekomandimeve të ITU-së, duke patur parasysh dhe implementuar objektivat rregullatore të AKEP;
4. Ndryshimet dhe shtesat e propozuara në Rregulloren Nr.5 nga Grupi i Punës, për t’u zbatuar nga subjektet e interesuara për autorizim, nëpërmjet modulit të aplikimeve online, bëhen pa ndryshuar përmbajtjen, objektin, qëllimin dhe kërkesat e përfshira në këte rregullore si dhe me qëllim përmirësimi për:
  - Kalimin e aplikimit për autorizim “Për stacionet radiobregdetare” nëpërmjet modulit të aplikimeve online;
  - Realizimin e procedurës së paisjes me autorizim në një kohë sa më të shkurter, në një mënyrë më të thjeshtuar me rregulla praktike;
  - Shkurtimin e procedurave të përpunimit të dokumentacionit në AKEP duke rritur cilësinë e shërbimit ndaj subjekteve;
  - Realizimin e një procesi transparent në kufijtë e veprimit të Autoritetit Publik;
5. Për këtë qëllim, AKEP në zbatim të Ligjit nr. 9918 i ndryshuar, në kuadër të transparencës dhe paanësisë çmon si të arsyeshme miratimin e ndryshimeve dhe shtesave në përcaktimin e rregullave procedurale për kryerjen nëpërmjet modulit të aplikimeve online nga subjektet e interesuara për autorizim, të projekt aktit administrativ Rregullor Nr.5, datë 23.12.2008 “Për dhënien e autorizimit “Për stacionet radiobregdetare””;

## **P Ë R K Ë T O A R S Y E:**

Këshilli Drejtues, duke konsideruar rëndësinë e miratimit të këtij projekt akti administrativ, për subjektet e interesuara për pajisjen me autorizim “Për stacionet radiobregdetare”, bazuar në shkronjën t) të nenit 8, pikën 1 të nenit 114, dhe pikën 1 të nenit 115 të ligjit nr. 9918 i ndryshuar,

## **V E N D O S:**

1. Të miratojë Dokumentin rregullator “Për disa ndryshime dhe shtesa në “Rregulloren Nr. 5, datë 23.12.2008, Për dhënien e autorizimit “Për stacionet radio bregdetare”” sipas Aneksit 1 bashkëlidhur ;
2. Ky vendim të publikohet në faqen e internetit [www.akep.al](http://www.akep.al)

Ky vendim hyn në fuqi 30 ditë nga data e miratimit të tij.

**K R Y E T A R I**

**Piro XHIXHO**

## **ANËTARËT E KËSHILLIT DREJTUES:**

1. Alban KARAPICI
2. Alketa MUKAVELATI
3. Benon PALOKA
4. Zamira NURÇE

## ANEKS 1

### I. Ndryshime dhe shtesa në Rregulloren Nr.5, datë 23.12.2008, “Për dhënien e autorizimit “Për stacionet radiobregdetare”. (Miratuar me Vendim të Këshillit Drejtues të AKEP nr.522, datë 23.12.2008).

#### A. Pika 1 e nenit 3, ndryshon dhe bëhet:

##### Neni 3 Baza ligjore

1. AKEP, nxjerr këtë rregullore në mbështetje të gërmës p) dhe t) të nenit 8 dhe pikës 6 të nenit 64 të ligjit nr. 9918, datë 19.05.2008 “Për Komunikimet Elektronike në Republikën e Shqipërisë” (ligji nr. 9918) i ndryshuar, si dhe Strategjinë “Për shërbimin e Radiondërlidhjes detare në Republikën e Shqipërisë”, miratuar me Vendim të Këshillit të Ministrave Nr. 370, datë 05.06.2003 (VKM Nr. 370).

#### B. Pika 1 dhe pika 2 e nenit 5, ndryshojnë dhe bëhen:

##### Neni 5 Formulari i aplikimit

1. Subjekti që kërkon të pajiset me autorizim për përdorimin e stacioneve radio bregdetar duhet të aplikojë online sipas formularit të aplikimit të përcaktuar në Aneksin 1 të kësaj rregulloreje, i cili shoqërohet me tabelën mbi të dhënat teknike dhe deklaratën e pronarit/personit përgjegjës.
2. Formulari i aplikimit online plotësohet tek Moduli i Aplikimit Online për Autorizim “Për stacionet radio bregdetare” në faqen web të AKEP [www.akep.al](http://www.akep.al)

#### C. Shtohet pika 4 dhe pikat 1, 2, 3 të nenit 6, ndryshojnë dhe bëhen:

##### Neni 6 Dhënia e autorizimit

1. Autorizimi i jepet të interesuarit brenda 7 (shtatë) ditëve nga data e depozitimit në AKEP të Formularit të aplikimit të dërguar online në përputhje të plotë me kërkesat e përcaktuara në këtë rregullore dhe, pasi të ketë kryer pagesat përkatëse pas njoftimit të AKEP për tërheqjen e autorizimit të miratuar.
2. Kur AKEP konstaton parregullsi në plotësimin e Formularit të aplikimit të dërguar online, i kërkon subjektit rregullimin e tyre brenda një periudhe prej 5 (pesë) ditësh pas marrjes së njoftimit online për parregullsitë e konstatuara.
3. Trajtimi i kërkesës online bëhet nga Drejtoria përkatëse në AKEP dhe autorizimi lëshohet i nënshkruar nga Kryetari.
4. Formulari i aplikimit online nënshkruhet nga subjekti në momentin e tërheqjes së Autorizimit dhe i bashkëngjitet praktikës që arkivohet në AKEP.

C. Pika 1 e nenit 10, ndryshon dhe bëhet:

### **Neni 10 Çregjistrimi**

1. Çregjistrimi bëhet nëpërmjet njoftimit online për rastet kur:
  - (a) Stacioni bëhet i papërdorshëm,
  - (b) Stacioni është jashtë shërbimit, për një kohë 2 ose më shumë vjet.

D. Pika 1 dhe pika 2 e nenit 15, ndryshojnë dhe bëhen:

### **Neni 15 Modifikimi i Autorizimit**

1. Modifikimi i autorizimit bëhet me kërkesën online të subjektit, në rastet kur:
  - (a) ndryshon emri stacionit,
  - (b) kërkohet të ndryshohen ose shtohen pajisjet radio,
  - (c) çdo ndryshim tjetër në të dhënat e autorizimit.
2. I autorizuari është i detyruar të njoftojë online në AKEP për të gjitha ndryshimet në të dhënat e deklaruara në formularin e aplikimit.

E. Pika 1 e nenit 16, ndryshon dhe bëhet:

### **Neni 16 Detyrimet Financiare**

1. Subjekti, me marrjen e njoftimit online nga AKEP për miratimin e autorizimit të kërkuar, është i detyruar që të paguajë detyrimet financiare të parashikuara për autorizimin në përputhje dhe zbatim të legjislacionit në fuqi, akteve nënligjore dhe rregullave të përcaktuara nga AKEP.

F. Pika 2 e nenit 17, ndryshon dhe bëhet:

### **Neni 17 Vlefshmëria e autorizimit dhe rinovimi**

2. Për rinovimin e autorizimit, subjekti i drejtohet AKEP-it duke dërguar online kërkesën 30 dite para përfundimit të vlefshmërisë së tij, duke paraqitur dhe ndryshimet, nëse ka të tilla.

G. Në Aneksin 1 – Formulari i aplikimit online, me qëllim përcaktimi të formës së aplikimit dhe përshtatjen me kërkesat e modulit online për të pajisur aplikantin me “përdorues”, “fjalëkalim” dhe “kod konfirmimi”, janë shtuar:

1. Forma e aplikimit:

<input type="checkbox"/>	Aplikim për autorizim
<input type="checkbox"/>	Rinovimi i autorizimit egzistues

<input type="checkbox"/>	Ndryshimi i të dhënave
<input type="checkbox"/>	Ndërprerje aktiviteti/ veprimtarie (Çregjistrim)

2. Tek të dhënat e subjektit:

- Emri i Personit (juridik/fizik);
- Emri i përfaqësuesit ligjor;
- Numri personal sipas dokumentit të identifikimit – ID.

3. Informacion shtesë:

\_\_\_\_\_